


G 30

546

930
5.11.16



撫淮小草卷之五

關西道甫李三才著

奏議

查解河道錢糧疏

題為遵照見行事例疏通鹽法裕

國便商事萬曆二十七年十一月內准提督

山東徐州礦稅御馬監太監陳增手本內

開諛忠義右衛百戶高時夏奏稱仰觀工

邊多費

帑藏匱乏大小臣工報舉礦稅鹽課濟助時艱據鹽商于以龍土民趙節報兩浙福建等運司轄屬鹽場累年積蓄鹽堆及壅滯引目疏通變價濟助

大工大約每年進銀三十萬兩兼查徐州保船戶于津等所揭嘉靖年間因疏通河道工部尚書朱衡等設隄沿江船料等項銀兩共有二百萬計除節年工費冒破外見有餘銀不下六七十萬兩名釘案閣銀匿竄

藏惟肥司計者之侵漁合依查取措濟當急之用並

勅速行前去會同司鹽衙門河道等官從實研查的確類解

御前等因奉

聖旨這奏內浙福等處鹽場累年積蓄鹽堆及壅滯引目疏通變價每年約有銀三十萬兩有裨國用准着浙江督理稅務內官劉成福建督理礦稅內官高案不妨原務各帶管彼

處督率原奏官商士民前去會同各該撫按等官查理銀兩解進不許擾害地方寫勅與他其徐州沿江船料等項見有餘銀六七十萬兩便着督理山東礦稅內官陳增公同彼處撫按等官查理明實奏請定奪該衙門知道欽此除浙福等處鹽場聽彼處查理外該本監看得疏內所稱嘉靖年間疏通河道工部朱尚書等官設隄沿江船料等項銀兩餘有六七十萬事非尠小要見貯積何

處歷年以來有無動支且疏通河道每年額銀若干是何府州縣協濟沿江船料是何衙門收貯要見每年用過若干餘剩若干收貯給散必有底簿承收接管必有職名擬合通行備查明白奏

請合用手本前去煩為查照即將前項存積船料等項銀兩備開給發差官齎領過監以憑復查施行等因備行到臣准此隨即會同河按二臣劄行淮揚二道會查徐州沿

江船料始末起止緣由每年額數若干何處所權是否供給河道支銷見今各屬有無存積在庫若干應否解濟

大工有無歷年收支存積卷簿可憑逐一查明通詳以憑覆覈會同奏

請定奪又節行查催間萬曆二十八年五月內准戶部咨為分陳緣由以遵

欽命以速

國計事諛原奏官商于以龍奏稱與忠義右

衛百戶高時夏將浙福鹽例奏獻銀三十萬兩徐州等處沿江一帶船料銀兩不下六七十萬兩已蒙

欽命准將浙福鹽例歸併浙福內臣收解沿江船料銀兩歸併內臣陳增會查已有河道衙門開查節年所設用過三百餘萬其廣積者實矣既有廣積豈無貯存餘剩且徐州等處沿江船料自始到今三十年来通共止報銀二十餘萬况徐州等處四通八

達水便河南山東南北直隸江浙湖廣等處接連沿江一帶每年船料銀約有十餘萬俱被各地方經管員役包攬水手埠牙人等朦官網利欺吞

國課見無

勅旨止有查明奏

請定奪之

命由此縱膽相欺不以實報近又有吳鎮王體仁聞風就奏沿江船隻遺稅銀兩可知其

詳如不星夜具奏分明日後尤恐紊亂必致商船一兔二皮乞

勅內臣陳增督同着落各府州縣管河通判佐貳等官責令各地方埠牙人等嚴革宿弊查將廬州湖廣所屬江岸地方船隻遺稅銀兩聽吳鎮王體仁等徵收其餘處所查數解

進彼此不許撓越擾礙疆界等因奉

聖旨浙江福建鹽利並徐州沿江船料奉有明

旨着欽差內官劉成高案陳增會同各該撫
按等官查理明實奏請定奪如何日久尚未
奏來便着該部院行催上緊具奏還立限與
他欽此合咨前去煩為會同巡按及內官陳
增遵照

明旨內事理作速查理明實定限本年五月內
回

奏施行等因移咨到臣諛臣隨即會行淮揚
二兵備道作速清查明白通詳覆覈去後

先是總理河道尚書劉東星見得百戶高
時夏具奏即移送揭帖到臣開稱亦准內
監陳增手本行查嘉靖年間工部尚書朱
衡等設隄沿江船料等銀共有二百萬計
節年工費冒破外見有餘銀不下六七十
萬兩名釘案閣銀匿藏惟肥司計者之
侵漁合依查取措濟當急之用等因本職
初聞之茫然不識所謂如說鬼說夢絕無
影響夫河道錢糧歲有定額收支出納不

奏鑄銖黃運二河所屬南北直隸山東河南浙江凡五省十一司道其所轄各府州縣庫廠一應物料錢糧每年分別舊管新收開除實在歲終造冊奏繳直達

御前此無論正項額徵羨餘無礙俱在即一草一樁米鹽零碎莫不具載二十餘年以來歲報黃冊存貯工科無待查明亦無容置辯者也姑就其言一一折之彼稱嘉靖年間因疏通河道尚書朱衡等官設隄沿江

船料等項銀兩共有二百萬計夫自嘉靖末年以來黃河屢決運道填淤先河臣朱衡潘季馴相繼任事固嘗疏河設隄屢興大役然查朱衡治河之役共計用銀四十萬兩彼時查得南直山東見貯庫銀不及二萬乃先後

請發淮揚餘鹽銀八萬兩山東河南南直隸香稅事例銀七萬兩鳳陽倉銀一萬兩借支河南各府河夫銀一十七萬兩濟寧州寄

庫大名府銀三千兩滕縣寄庫沛縣銀四千五百兩山東布政司及汝寧東昌二府原解外附餘銀三百四十一兩又留漕米三萬四千五百七十七石并搜括各庫原貯銀二萬餘兩通共支過銀三十六萬七千九百二十四兩六錢七分零尚有未完工程無銀支用復題

請戶工二部多方設處方得完工時未嘗計及船料又何嘗剩有餘銀又查潘季馴治河

之役先後共估用銀八十七萬四千一百九十九兩二錢二分六釐彼時查得山東南直每年歲修東那西補原無餘積止有河南各府庫貯銀一十九萬餘兩又以本地工多勢難那借乃

請發南京戶兵二部糧剩馬價等銀二十萬兩截留漕米八萬石動支巡鹽衙門議開支河銀三萬五千八百七十六兩外尚諛銀五十九萬八千三百二十三兩二錢二分

六釐無從處置乃復題

請改折漕糧將額外餘銀照數留工支用始克完工時亦何嘗筭及船料剩有餘銀也又據彼稱除節年工費冒破外見有餘銀不下六七十萬兩夫河道除估議大工錢糧另行

請發其每年歲修工費亦先經題

請動支淮揚帶徵鹽斤銀一萬八千兩議留淮揚徐三鈔關稅銀各一千兩河南協濟河

夫銀九千兩共銀三萬兩解淮安府貯庫備歲修河工之用其後鹽引壅滯無從徵解鹽銀盡行停止三關稅銀復還歸戶部而河南協濟銀兩又多拖欠乃復

題留輕齎扣留二升米等銀內支用是節年工費亦何嘗有船料而冒破之也且徐州去江七百餘里風馬牛不相及也今沿江船料惟有湖廣之荊州江西之九江太平之蕪湖三廠而已然皆設自宣德成化年

間九江荊州之稅徑解戶工二部而蕪湖之稅則分解龍江清江二廠打造漕運糧船支用即清江廠亦有抽分船料始自景泰年間專為造漕船而設每歲額造船四百六十餘隻共諉料價銀四萬七千餘兩以本廠之稅與蕪杭解銀及軍二小料相湊兼支並無積剩亦非河道錢糧及查得徐州船稅始於隆慶元年為御史唐鍊所請而設練先為呂梁主事故原議設關於呂梁

後隆慶六年尚書朱衡始移隸於徐洪至萬曆六年裁革徐洪主事而以稅務歸之戶部主事近已載入

大明會典中每歲多不過萬金少止七八千兩專以支給洪隄各夫工食及河工支用而原議各司道添設官員公費亦取給其中計徐呂二洪洪夫九百名每名工食銀八兩豐縣隄夫五十名每名工食銀十兩七錢并柁源縣隄夫湊支六百八十一兩六

錢每歲共諛支銀八千四百二十餘兩又各添設公費及書辦工食額銀六百七十餘兩一歲所入不足供一歲之用而近年黃河南徙船稅益微洪夫缺食紛紛告討至借河道銀二千七百三十餘兩支給今因工食銀少方議將洪夫裁革一二百名方可足用至如淮安清江由閘樑頭銀兩每年發淮庫收貯額供邳州隄夫之用儀真由閘樑頭銀兩克淮安高家堰隄夫工

食瓜洲閘先年止行漕運至萬曆二十五年諛前任總河尚書楊一魁欲許民船通行報納樑頭稅銀供給河道不敷之用又為經紀人等告要仍舊挑盤包納船稅一二年來總計不過二千有奇解濟挑濬徐邳一帶運河之費後諛本職於二十七年十月內念此商民挑盤煩費之苦行令民船由瓜閘通行報納樑頭稅銀至今僅一千六百七十三兩零隨船纜銀五十一兩

零原因黃河南徙正河不時淤淺聽備挑
濬工料支用此淮揚徐州歷年收支簿籍
可查而諛科歲報黃冊可考何嘗剩有餘
銀司計者方苦歲支不給又何得而侵漁
也此皆係徐州市棍爭行不遂故投揭妄
言今徐州戶部分司見存有于津等爭行
卷宗今查于津久已病故其子徐州吏于
繼衡有丁憂呈可據也今日之奏又係同
行棍徒借于津出名以行其奸計耳原奉

旨着諛監公同撫按等官查明奏

請本職不宜越俎但河道錢糧係本職職掌不
得不據實開揭煩為查照議行等因案候
間今予以寵又行

奏催諛臣節經行催各道上緊查報今據整
飭淮徐兵備右叅政郭光復會呈蒙總河
撫按各衙門劄案前事行查高時夏等船
料緣由遵依行據淮安府申稱查得淮安
地方並無設有沿江船料銀兩其板閘鈔

關額收船鈔俱解戶部買錢及扣解濟邊之用與河道無干止於隆慶四年間奉河道衙門明文議設清江由閘銀兩係供邳州隄夫工食支用及查河道錢糧本府原無額設歲修之數續於萬曆九年添設歲修銀二萬九千兩後又議加銀一千兩共銀三萬兩出自河南各府協濟銀九千兩徐州倉麥銀一千五十九兩鳳陽府隄夫銀四百三兩二錢漕運車盤脚米銀一千

五百七十八兩輕齎扣留二升米銀四千四百五十九兩八錢浙江南直隸江南各府過江脚米銀一萬三千五百兩俱專聽每年修理河道并防守隄岸應用今查由閘銀兩所收多寡不等每年大約不過二千七八百兩而截長補短通融湊支僅供隄夫支領歲修銀兩雖有三萬之名每年拖欠不等通融接續亦僅僅足用但由閘銀兩隔年既久事遠人非卷簿零落不便

查造其歲修銀兩萬曆九年起至二十一年止彼因工程緊急所收之數尚不足用俱盡數支銷並無餘剩且經每年一次查明造冊

奏繳外今本年督令吏書倒架找尋查自萬曆二十二年起至二十七年十二月終止磨算明白分別舊管新收開除實在數目在官相應造冊申送候覆查回

奏及查前項錢糧見今在庫二十七年十二

月終止支存之數由開銀見有四百八十五兩六錢八分一釐歲修銀見有一萬四千八百一十五兩九分四毫七絲二忽七微三纖五沙二塵八埃六渺通共銀一萬五千三百兩七錢七分有奇為照前項在庫實在銀兩係關河道似應照舊收貯聽候隄夫及歲修工程等項支用難以徑動但今

大工之用奉

旨查解幸今歲河道安流此項稍可那解請乞
裁酌轉詳准將在庫二十七年終止實在
由閘并歲修銀共一萬五千三百兩七錢
有奇俱儘數動支聽候內監陳增處類解
進用其隄夫工食并歲修工程合用錢糧聽
候續收之數接續樽節支用倘有不足從
容另行覈補庶

大工河道兩事兼濟矣徐州申稱先年蒙工部
侍郎翁大立題

准設立民船鈔稅專備河工之用自隆慶四年
起在於徐州洪工部分司管理至萬曆六
年裁革諛司衙門前項稅務改併徐州倉
戶部分司管理原行分司將應稅銀數批
註單內發徐州秤兌貯庫登記循環每月
終將收過數目申報主事轉報總河衙門
歲終造冊報部備照遵行在卷但節年收
支鈔稅官更吏代卷案滯爛難以查理已
將萬曆六年起至二十七年十二月終止

奉文發州收支船稅銀兩造冊申報本道
并中河工部分司及內監陳增照驗訖今
該本州覆查得所屬蕭沛碭豐四縣並無
沿江額設船料止查有本州奉戶部分司
歲下上下水船戶交納船稅銀兩貯庫每
年專給徐呂二洪洪夫工食并總河衙門
及各分司公費尚不敷用搜查庫藏并詳
檢卷簿委無存積銀兩止查有節年收支
河道錢糧除正項支用外見餘河道歲修

銀八百九十三兩八釐四毫七絲隄夫銀
一百二十七兩六錢四分八絲一忽三微
二纖漕米銀五百三十六兩一錢二分五
釐曠工銀二百六兩九錢九分六毫一絲
一忽運河餘剩銀二千九百七十四兩五
錢八分六釐七毫六絲六忽六微八纖共
銀四千七百三十八兩三錢五分九毫二
絲九忽堪以那解等因到道該本道會同
中河郎中劉不息南河郎中顧雲鳳看得

淮徐地方原不近江從來未曾設有沿江
船料查得嘉靖年間工部朱尚書開挑南
陽夏鎮一帶新河工費繁鉅題

請動支南北直隸山東河南四省直錢糧工程
告竣當經查核

奏繳事涉年遠卷案湮沒無憑查考祇查隆
慶四年間蒙總理河道翁侍郎題奉

欽依將淮安清江浦民船議令由閘各照樑頭
大小徵稅赴清江工部分司報納聽給邳

州隄夫工食外河往來船隻經過徐州者
亦照樑頭大小徵稅先年赴徐州洪工部
分司報納後因該司裁減改赴徐州倉戶
部分司報納專聽徐呂洪夫工食等項支
用各將徵收稅銀該府州貯庫聽支仍
登記循環按季赴總河衙門倒換稽查年
終造冊報部節年以來雖徵收數目盈縮
不常大率截長補短一年僅可以供一年
之用近來各處災疫商販稀少歲入之數

較之往昔更減又查得萬曆九年間蒙總
河潘都御史題

准每年議設歲修河道銀三萬兩派徵於河南
浙直及鳳陽各府州協濟以供淮徐庠儀
一帶河防修守之費第各處徵解不前逐
年拖欠雖有三萬兩之名而無三萬兩之
實年終總河衙門一併將用過錢糧做過
工程造冊

奏繳在船稅各有額項而支用間嘗那借在
歲修雖僅足用而庫藏並無贏餘設使稍
有存積頻年河工多事東那西湊請發
內帑借留漕米寧不搜括及此以助目前詘
乏耶且前項錢糧出納非止一官查核非
止一處節年支銷

奏繳已明難容侵欺別弊但以前年分收支
卷簿據各府州回稱官更吏代事遠人凶
燬爛無憑止有近年收支數目見在可查
茲據淮安府報有二十七年終止在庫由

開歲修等銀共一萬五千三百兩七錢七分有奇徐州報有二十七年終在庫河道項下銀四千七百三十八兩三錢五分有奇二項通共銀二萬零三十九兩一錢二分零雖係河工正項之需然當此

大工告匱高時夏執奏前來相應權宜那解以佐公家一時之急候河道缺用另行區處伏乞裁酌俯賜會議

奏施行又據揚州兵備右布政使陳璧呈行

據揚州府申稱行准本府管河通判王文英牒稱本府地方鈔關有徵收船料銀兩按季解京收買錢鈔及解戶部濟邊並非協濟河道錢糧至於每歲所屬修理河道隄岸工料價值俱徑赴淮安府支領銷筭無憑牒報又據儀真縣申稱本縣凡有四路商客裝載貨物經由四閘俱照標頭丈尺赴委官處報納稅銀充高堰隄夫工食後奉明文每船如原納稅銀一兩者外加

軍餉銀五錢聽給永生洲兵餉如下江鹽船一隻納樑頭銀一錢五分聽給軍餉回空糧船裝載客貨者每隻納銀一兩四錢內八錢河道支銷六錢永生洲兵餉再查由閘船稅每年原無定額除歲聽高家堰隄夫工食一千四百四十六兩支解其積餘銀兩見蒙總河衙門并南河分司開挑邵伯越河陸續動支采買建閘石塊灰木并水脚夫工等項支用候工完類筭止實

存銀六百二十二兩九錢六分六釐三毫三絲貯庫至於沿江船料並無此項名色無憑議報高郵州申稱本州原係入裏漕河並無沿江去處船料之設從來未聞除先奉府牌行查文卷倒架撥查並無根據近談徐州內使委官王金印等來州清查亦備前由回覆訖寶應縣申稱本縣在於淮揚適中原非關津隘口並無徵收船料銀兩及查河工每年歲修工程俱奉司道

明文估動淮庫銀兩工完亦聽總河衙門
銷筭

奏繳無憑申報及據江都縣申報相同據此
該本府查得徵收船料揚地止鈔關有此
名色徑聽監收該府自有正項解部買錢
濟邊之用至於船料銀兩協濟河道乃係
徐州洪鈔務而本府沿江一帶地方並無
設有此項錢糧近據內使差官王金印呈
送查理船料事宜揭帖到府內又開列歲

修河道隄閘錢糧依儀由閘船稅軍餉糧
頭各衛運糧船隻武官俸鈔各款在內是
所原奏船料本府委無此項但查本府估
脩沿河隄閘事屬南河分司並無額派徵
收解府錢糧應給工料價值各該州縣遵
奉總河部院詳允明文徑赴淮安府庫給
領並不經由本府支放至於由閘銀兩儀
真閘原有徵收船稅歲無定額除額解高
堰隄夫工食外見今又開邵伯越河動支

買辦木石等料止實存銀六百二十二兩九錢六分六釐三毫三絲見貯縣庫其瓜洲閘先年止行糧運至萬曆二十五年八月內奉總河楊尚書明文許民船經行查與操江軍餉樑稅有碍該鎮各行經紀屠燧等告蒙詳允包納船稅仍舊挑盤陸續徵完銀二千七百三十六兩六錢八分四釐二絲四忽兩次批差縣丞黃恪經歷張一文解送徐州挑濬黃河應用取獲批收

在卷止存府庫銀一千五百一十九兩九錢二分六釐七絲四忽近又蒙總河劉尚書俯念商困行令瓜洲通行民船以省盤壩自萬曆二十七年十月初三日起至二十八年五月終止收過瓜洲由閘船稅銀一千六百七十三兩一錢八分隨船纜銀五十一兩八錢四分俱貯府庫并儀真閘稅共四項該銀三千八百六十七兩九錢一分二釐四毫四忽原聽河道工料支用

今欲解助

大工前項銀兩堪以那湊以佐一時之急等因
到道為照揚屬帑儀由閘船料等銀係供
河道支用原無定額大約不過數千而已
節年截長補短僅足支持緣今歲河道安
流雖有邵伯越河之費而尚無別項工作
是以微有存積為河漕經遠之慮似難別
動但既稱

大工匱乏高時夏執有前奏亦難苦留即權宜

那解以佐公家一時之急勢不得不然耳
伏乞裁酌會議回

奏施行等因各呈報到

臣諫臣會同巡按直

隸監察御史吳崇禮提督山東徐州礦稅

御馬監太監陳增覆看潯百戶高時夏等

所奏先年設隄沿江船料等銀共有二百

萬計每年冒破之外見有餘銀六七十萬

兩為司計者侵漁今要查取解濟

大工未幾而予以龍又變其前說已有河道衙

門開查節年用過三百餘萬豈無餘剩徐州等處沿江船料三十年來止報銀二十餘萬又欲自徐州接連沿江每年約銀十餘萬查數解進而廬州湖廣江岸船稅不與焉今該臣等節行司道府州縣等官歷查回報前來臣等細閱其詳則此輩所奏全無影嚮不謂

聖明之世有此一等魑魅魍魎之徒造此不稽之談誑惑

聖聰亦至此極耶夫自嘉靖年間黃河變遷運道阻梗

朝廷特遣總河大臣綜理以迄于今或開挑新河或開濬淤淺或築塞決口或築隄障流或濬河通江或導河入海凡所以捍衛祖陵保全運道奠安民社計先後河臣蓋悉心籌慮請自

宸斷決擇而行每興一大役所費不貲非請發

內帑卽

題留漕糧及運司鹽課省直協濟方得完工
每興一大工非

特遣科臣卽

專勅巡按諸臣稽察查核會行多官自上至下
自絀至鉅節節查盤年年銷筭必至明確
方行造冊

奏繳非一人一手可得模稜而了者今道成
所報之冊卽每年

奏繳之數何庸復造以煩

天聽自興舉河工以來所費金錢奚止數百餘
萬未有任其冒費不為稽考之錢糧未有
任其破調不行經度之工程也總河大臣
正

朝廷寄以心膂托以綜理河工者也其中若
有侵漁冒破豈容置之不問此河臣劉東
星之揭帖一一分析甚為詳備甚為明確
也卽今如邵伯開挑越河約估用銀六萬

九千有奇又在歲修之外尚在不敷方在
措處豈有餘剩河道之銀不行按查接濟
支用者乎大抵江北地方河患歲歲興舉
庫藏在在空虛卒遇工作大興題

請設處極費調劑不知高時夏等所奏見有餘
銀六七十萬名釘案閣銀匿藏指何所
據而言予以龍所奏徐州等處船料三十
年來止報銀二十餘萬亦指何所據而見
今內臣陳增委官王金印等自沿河沿江

府州縣按查已遍若剩有餘銀可問而知
者又謂徐州等處接連沿江一帶每年船
料銀約有十餘萬與金吾左衛百戶吳鎮
所奏相同此一項已經各該分司道府歷
查皆屬侵越鈔關疆界重疊徵收臣等會
同內臣暨祿先行回

奏訖是淮揚二鈔關船料額解戶部買錢濟
邊不與河道干涉徐州船料清江瓜儀由
閘樑頭稅銀皆供河道隄夫工食明係正

項正支今此輩望空亂談如同兒戲不顧朝廷大體惟知聳

上剝下幸賴

聖明洞晰群奸令內臣陳增公同臣等撫按等官查理明實奏

請定奪臣等今據地方各官所報再三籌計將淮揚徐三庫見在歲修河道由開船稅等銀二萬三千九百七兩三分零額總解進以助

大工之急今年河道伏秋修守之費與夫邵伯開挑越河工程容河臣另行設處是亦權宜劑量之計也相應會

題伏乞

勅下臣等遵奉將前淮揚徐三庫見在銀兩聽內臣陳增額取解

進施行臣等未敢擅便為此具本專差承差蔡宗齊捧謹題請

旨

萬曆二十八年八月二十五日題奉

聖旨

州縣正官免 覲疏

題為衝要地方多事乞留朝

覲正官以滋保障以安民生事據整飭揚州海
防兵備右布政使陳璧呈稱查得揚州一
帶稱江淮要區負海濱江外則倭患而內
則苦於鹽徒劇盜為奸雄睥睨之地如近
日趙古元輩之逆謀可鑒已矧今沿江稅
監沿海鹽監各項委官募布星羅白晝攫
金人情洶洶閩爭難免儀真江都高郵其

最亟者通州如臯泰興則江海之門戶在
焉俗獷難馴大盜出沒變且易生此六州
縣者非有正官為之管理調停能俾無他
虞哉請乞具

題將高通二州儀真江都泰興如臯四縣各
掌印官酌議

題留照舊供職庶緩急有濟地方獲安又據
淮徐海防兵備右叅政郭光復呈稱所屬
淮徐府州濱臨河海俱當南北咽喉之衝

邇年災患頻仍民生凋敝已不堪命加以
權使遍布所在人心洶洶又逆賊趙古元
甫擒之日餘黨反側未定所賴正官調停
安輯誠不可缺及查淮屬山陽附郭首縣
政務繁劇清河蕞爾小邑地衝民疲邳州
接壤山東又係臨河凋疲地方且俱有稅
使差人立關其地抽取貨稅蕭碭二縣正
當黃河之衝久罹昏墊至如蕭縣今歲夏
秋災傷已至十分更為重大碭山上年水

災失城民苦魚鱉見今構砌新堡方在經
營而徐州鹽盜逆黨實繁有徒且二稅使
駐劄其間彼此爭衡鎮撫調停又皆諛州
正官一身之所仔肩者較之別郡大不相
同士民羣赴控留亦時勢人情之所不容
已者請乞俯將徐邳二州知州山清蕭陽
四縣知縣會議題

請免其入

覲又據署潁州兵備道事鳳陽府知府金時舒

呈稱鳳陽為

根本重地如亳州界聯河南為盜賊淵藪且人
性強悍素好白蓮無為等教不時竊發今
歲霪雨為災田地無收民皆流竄宿州治
當南北衝衢繁難已極且當黃堍下流積
歲困水田地成沼人民逃徙錢糧逋欠近
日州官招撫流移開墾荒田拮据整治稍
有次第靈璧縣與宿州接境亦當黃堍之
衝田地淹沒里甲蕭條泗州拱護

祖陵頻年淮水為患近因分黃導淮百姓稍稍
復業正賴正官撫摩今照朝

覲之期所有前項亳宿泗三州靈璧一縣正官
請乞會

題議留免

覲以安災黎等因各備呈到臣據此案照先為
朝

覲事准吏部咨考功清吏司案呈照得萬曆二
十九年正月初一日諸司官員又該朝

覲之期所有合行事宜例應預行知會該本部
覆議款開來

朝官俱儘正官如正官缺或新任未及三月
方許以次佐貳官不得越次除地方事情
重大不可一日缺正官者聽撫按臨期酌
量奏留等因題奉

欽依備咨前來通行揚淮潁三兵備道欽遵查
照間又節據各屬士民人等呈告保留正
官撫安災民等情俱經批行各道議處去

後今據前因談臣會同巡按直隸監察御史吳崇禮議照三年朝

覲乃

國家述職大典凡在臣工誼當祇奉孰敢違越輕率議免顧今地方時勢之艱難有不
容不為之所者江北郡邑當南北衝繁之
區為商民輻輳之地且連年災沴與河患
頻仍倭倣并軍興疊出江海險阻鹽盜出
沒加以鹽稅三內使委官肆行抽權近如
逆謀趙古元輩反側未安此正屬地方多
事之時人心易搖之日所藉各官撫輯料
理事不可緩既經各道酌量緩急議將衝
疲多事郡邑正官乞要

題留免

覲一節相應題

請伏乞

勅下吏部再加詳議合無俯准將高通徐邳毫
宿泗七州江都儀真泰興如皋山陽清河

蕭碭靈璧九縣各諛掌印正官姑留在任
令其整理兵戎捍衛地方愛養百姓調停
鹽稅仍聽臣等選令佐貳官帶同首領官
吏齎冊朝

覲速行臣等遵奉施行庶

典禮不廢而地方攸賴矣緣係衝要地方多事
乞留朝

覲正官以滋保障以安民生事理未敢擅便為
此具本專差承差蔡宗齋捧謹題請

旨

萬曆二十八年九月二十二日具題奉

聖旨吏部知道

完解京庫錢糧各官開俸疏

題為欽奉

聖諭事據整飭揚州兵備右布政使陳璧呈稱
奉撫按衙門劄案該戶部題奉

明旨將未完京庫錢糧各該司道有司管糧等
官住俸督催候見徵并帶徵分數報完方
許開俸又蒙節次行催依蒙節經催行揚
州府查將所屬通泰江興等州縣自萬曆
十八年起至二十六年先完京庫銀三千

七百五十九兩九錢四分一釐零已經批
差海門縣典史孫琚領解赴部交納即今
奉文開催又將見徵萬曆二十六年分原
未完京庫各項錢糧民竈共銀三千二百
八十五兩五錢四分七釐零帶徵萬曆十
八年起至二十五年止各項京庫錢糧共
銀一萬一千八百七兩八錢零今萬曆二
十八年應完三分三釐銀三千三百二十
一兩七釐零并同見徵俱經徵完批差通

州判官陳夢鯉等領解赴部交納委無官
吏收頭人等朘侵之弊又據淮徐兵備右
叅政郭光復呈稱依蒙查得淮安府所屬
州縣萬曆十八年起至二十五年止帶徵
銀四萬二千八百六十四兩九錢五分一
釐零見徵二十六年分銀一萬二百兩一
錢九分九釐零節諛本道奉兩院行催嚴
行各屬徵解今查邳州山陽贛榆鹽城四
州縣見徵帶徵俱全數徵完海州并清

河桃源宿遷睢寧沐陽安東七州縣二十
五六兩年者亦各全完十八年起至二十
四年者遵照部限完解三分三釐通共完
過銀三萬三千八百一十六兩八錢一分
六釐零已差經歷王震亨等領解赴部交
納又查徐州萬曆二十六年分見徵銀三
千一百六十兩三錢五分一釐零計已全
完二十一年原欠帶徵銀三百六十四兩
四錢五分七釐零已完過銀一百三十三

兩二十五年欠銀六百二十九兩三錢六
分五釐零除前完報銀三百三十四兩四
錢一分今又續完銀五十兩以三分三釐
計筭已溢分數又二十二年起至二十四
年止原欠銀七千九百九十二兩八錢二
分三釐除先完銀九百三十五兩并今續
完銀一千七百二兩六錢四分一釐零以
三分三釐計筭已足分數其餘屬沛縣原
欠各年帶徵銀八百七十一兩三錢三釐

零今徵完銀三百七兩九錢九分三釐零
以三分三釐計筭已溢原額蕭縣原欠二
十六年見徵銀五百九十三兩三錢九分
四釐俱徵全完碭山縣原欠二十六年見
徵銀四百七十九兩四錢九分六釐俱徵
全完二十二年起至二十五年止共欠帶
徵銀二千五百八十二兩七分六釐零今
陸續完過銀一千一兩二錢八分七釐零
以三分三釐計筭已溢分數以上已完銀

兩俱批差沛縣典史何功顯領解赴部交
納查無侵欺情弊又據原任潁州兵備僉
事楊繼先呈稱查得鳳陽府開奉文行
催帶徵萬曆十八年起至二十五年止戶
部錢糧除以前完解獲批不開外原未完
銀二萬一千四十兩六錢六分三釐零內
除奉例扣留賑濟銀七千一百二十六兩
三錢八分七釐零并奉文扣解揚州府庫
抵餉銀二千七百八十八兩八分零及遇

災傷奉例勘明蠲免銀一千五百四兩六錢六分八釐實該未完銀九千六百二十一兩五錢三分六釐零未奉行催之先已完解部并見貯聽解銀二百二兩六錢四分九釐零奉文行催之後續追完銀九千四百一十八兩八錢七分七釐零其見徵萬曆二十六年分起運戶部錢糧除以前完解獲批外原未完銀五千二百二十八兩三錢八分四釐零未奉行催之先已完

解部銀二千六百二十六兩四分三釐零貯庫見解銀一百八十一兩八錢五釐零奉文遇災蠲免銀六百四十一兩奉文行催之後續追全完銀一千七百七十九兩五錢三分六釐零并前已完帶徵各年銀兩已委本府經歷傅好禮領解赴部交納並無拖欠亦無侵隱情弊等因各呈報前來據此案查先於萬曆二十八年正月內准戶部咨前事內開萬曆二十七年十二

月十七日該司禮監太監田義等傳奉
聖諭連年以來典禮繼續軍旅繁興經費煩多
以致帑藏匱竭朕心日夕勞思加意節省前
已有旨此財不在於官又不在民盡歸賦官
汙吏之私囊致使國用不敷民生日乏且不
忍加派小民故准官民所奏稽諸

祖宗舊規各處添設開礦抽稅乃取天生自然
之財及經紀牙行之餘利權宜以濟時艱少
待足用自有處分何乃撫按有司全無為國

急公之心各懷要譽阻撓之術意圖遮飾弊
端職守安在故將年例常賦遲延怠緩坐視
觀望致悞國用好生可惡本都當拏問治罪
姑且各罰俸一年余該部職司國計不能任
勞任怨及至缺乏却乃推避支吾其於大臣
之義奚存便查照舊例各省直內有見年併
拖欠未完應徵年例帶徵錢糧的即便行文
立限上緊催徵解部以濟急用其數目還指
名開具來看欽此欽遵隨該本部查開原催

未解錢糧在鳳陽府未完帶徵十八年起至二十五年止共銀九千五百餘兩見徵二十六年銀一千六十餘兩淮安府未完帶徵十八年起至二十五年止共銀四萬二千餘兩見徵二十六年銀一萬二百餘兩揚州府未完帶徵十八年起至二十五年止共銀一萬一千餘兩見徵二十六年銀二千七百餘兩徐州未完帶徵二十一年起至二十五年止共銀八千二百餘兩

見徵二十六年銀六千五百餘兩以上銀兩皆起運正額不可愆期者倘撫按有司設法催徵依期起解何至今日墮乏若此追究所由委應罰俸一年以儆怠玩但思罰俸僅懲已往難責將來未若停俸督催尤便策勵合行各省直撫按有司官俱不許支俸嚴督有司將徵完在庫者立等發解定限次年三月內到部未徵在民者上緊追徵隨完隨解通限六月以裏盡數全

完報部方與開俸其節年舊欠以十分為率每年帶徵三分三釐照數起解敢有故違

欽限及各省民運錢糧欠至一萬兩以上者容本部會同戶科從重叅處等因題奉

聖旨國用缺乏固戶部之責天下臣子亦宜同心共濟豈得坐視任其催討不理因連年用兵原無經制錢糧徧搜曲處應用有盡今既不忍加派小民每年正賦係是額供小民豈

不輸納只因貪官污吏巧肆漁獵受私賣法致令收頭攬戶侵欺偷盜輾轉沉埋容隱不舉拖欠安得不多撫按司道食祿忘君養資待遷以催徵為苛刺以縱奸為寬大相儗成風通不叅劾及至催討却又推礦稅擾民圖遮飾弊端職守何在你部既指名開具明白又言罰俸但懲既往住俸可責將來依擬通行各撫按及管糧司道官都住了俸姑着他策勵供職嚴督有司將已完在庫的立時發

解限次年三月內到部未徵在民的上緊追徵隨完隨解限六月以裏盡數完報方與奏請開支帶徵的照數起解敢有沿習弊套支吾借留怠玩違慢的叅該部科從重叅處不許仍前徇情寬縱致令束手無策其有貪官汚吏乘機攫取致令小民納一費二徒實私囊無資國計的着撫按官嚴訪的實即時拏發追贓照例盡法處治具奏勿饒欽此欽遵備咨到臣該臣會同前按臣安文璧待罪

住俸隨即劄行揚淮潁三兵備道遵照將各道府州縣掌印管糧等官俸糧住支仍令鳳淮揚徐四府州查有徵完在庫銀兩作速差官起解照依

欽限三月內到部未徵在民者上緊追徵隨完隨解通限六月內到部仍列款項造冊開報其節年帶徵自二十八年起分作三年每年完解三分三釐如有已徵在官中有官吏收頭攬戶欺隱等弊查訪指名從重

叅

題究治又經不次嚴催提比去後今據前因除復行將二十九三十年帶徵銀兩分限依期完報及將造到文冊覆覈明白咨送戶部稽查外諒臣會同接管巡按直隸監察御史吳崇禮查得鳳淮揚徐四府州拖欠戶部各年京庫錢糧蓋緣江北地方災疲至極閭里蕭條人民逃徙賦役難完非一年所矣今值

國用匱乏之際致厘

明旨切責將地方各官住俸督令依限催解一時在事諸臣祇奉

綸音莫不凜然欽若多方措處設法催輸共期策勵以無負

聖明責成之意今將戶部原

題行催之數如萬曆十八年起至二十五年止分作三年帶徵應於二十八年諒完三分三釐者俱已設處完解如鳳屬者亦已

盡數全完二十六年見徵者亦已徵完俱
經差官陸續赴臣等衙門掛號起解勒限
赴部交納去訖所據經管接管各官除潁
州掌印管糧已故知州黃大賁海州掌印
管糧今告致仕知州孔貞樗不開外如見
任鳳陽府署印本府同知史可述本府管
糧并天長縣署印管糧通判楊維清泗州
掌印管糧知州曾惟誠壽州掌印管糧知
州舒琛宿州掌印管糧知州馬獻圖鳳陽

縣掌印管糧知縣李存信淮縣掌印管
糧知縣林鏞懷遠縣掌印管糧知縣劉一
鵬定遠縣掌印管糧知縣蘇日登潁上縣
掌印管糧知縣孫應龍盱眙縣掌印管糧
知縣盧邦俊淮安府知府劉大文代管糧
同知崔維嶽邳州知州鄭元輔管糧同知
晏天相山陽縣知縣王建中管糧主簿潘
向陽清河縣掌印管糧知縣關香桃源縣
知縣劉邦傑管糧縣丞朱楫宿遷縣知縣

王訓管糧縣丞唐從詞睢寧縣知縣張文炳管糧典史薛典沐陽縣知縣杜從心管糧縣丞唐廷實贛榆縣知縣喻體義管糧縣丞黃克勤鹽城縣署印縣丞廖逢吉管糧主簿曾三鼎安東縣署印管糧山陽縣儒學教諭馮仕揚州府知府楊洵管糧被論通判李自治高郵州掌印管糧知州孔祖頴泰州被論知州張驥管糧判官王執中接管糧吏目盛燁通州知州栗永馨管

糧同知王嘉言江都縣知縣劉之沂管糧縣丞冷鳳陽興化縣知縣翁汝進管糧主簿饒恕泰興縣知縣李開春管糧典史裴天壽寶應縣知縣宋浚管糧縣丞賀書管徵竈糧運司泰州分司判官劉懋和淮安分司判官今陞南陽府通判羅元徐州知州張執管糧判官倪有觀蕭縣掌印管糧知縣魏研沛縣知縣羅士學管糧縣丞鄧一中碭山縣知縣熊應祥管糧主簿孫思

敬豐縣掌印管糧知縣李先春原住俸糧
應准開復接支又如揚州兵備右布政使
陳璧於二十八年六月初五日到任係奉
文之後原非經管例不住俸其淮徐兵備
右叅政郭光復原任潁州兵備僉事今陞
陝西右叅議楊繼先及臣三才與前按臣
安文璧皆係接管官員今見徵錢糧亦已
俱完帶徵又完及三分三釐所住俸糧亦
應開復伏乞

勅下戶部覆議上

請定奪行臣等遵照施行緣係奉

旨住俸督催京庫錢糧今已如數完報

請乞開俸事理未敢擅便為此具本專差承差

蔡宗齊捧謹題請

旨

萬曆二十八年十月二十八日具題奉

聖旨戶部知道

府佐給由疏

題為遵例保留給由府佐官員事先據直隸
鳳陽府申准本府通判徐鄰牒稱見年三
十六歲浙江紹興府上虞縣人由舉人萬
曆二十年四月十四日選授直隸徐州知
州本年六月二十六日到任二十二年六
月十五日丁母憂回籍守制大察降用服
闋赴部二十五年六月二十三日改授今
職本年八月二十九日到任扣至二十八

年七月二十八日止連閏實歷俸三十六箇月三年任滿例應給由等因牒府申報到臣隨經批行潁州兵備道查勘去後今據署道事鳳陽府知府金時舒呈行據鳳陽府呈查得通判徐鄰三年任內並無不明經手錢糧亦無粘帶不了事件公私過名等項違礙情弊例應給由造冊赴部考覈但潁州素稱多盜本官設居省直交會之界乃盜賊出沒之區且該州驀設稅使

彼中多事時入隆冬州缺正官地方賴以彈壓實難離任合應照例保留等因到道看得通判徐鄰三年任內委無違礙應准給由但本官駐劄潁州方家集省直接壞盜賊出沒之地且州缺正官全藉本官彈壓難以離任請乞照例保留等因具呈前來據此查先准吏部咨為酌議考課之法以肅吏治事今後在外三六年考滿官員除方面府佐照舊赴京有事地方照舊

保留聽候撫按從公考覈賢否具

奏先令帶俸就彼復職管事牌冊差人齎繳其稱職經薦應得

誥勅命者照例

請給等因題奉

欽依移咨遵行在卷今據前因該臣會同巡按直隸監察御史吳崇禮考覈得鳳陽府通判徐鄰負性峭直遇事精明稱職第本官職司捕盜專駐潁州界聯河南素為盜藪

且以連年水旱為災近復妖黨反側未定又值潁州適缺正官署印彌盜調停稅務全藉本官彈壓既經該道查議前來相應保留伏乞

勅下吏部查議上

請照例行令徐鄰免其赴部容令接俸管事造冊差人齎部考覈施行緣係遵例保留給由府佐官員事理未敢擅便為此具本專差承差涂麒齎捧謹題請

旨

萬曆二十八年十一月初二日具題奉

聖旨吏部知道

考察有司官員疏

題為糾劾不職有司官員以備考察事臣待
罪巡撫江北地方茲值萬曆二十九年考
察外官之期除將賢否造冊照例咨送部
院外其統屬方面有漕儲兵備四道在任
去任雖才品不同要皆賢良表著無容指
摘至於有司正佐內有縱恣不檢闡茸無
為或曾被論列而罰未盡辜或已經去任
而物議始著節據道府開送及臣公同咨

訪相應先行案論以備大察訪得原任兩淮運司泰州分司判官今陞

益府審理正因病回籍常觀正宅心殘酷賦性貪婪謀陞分運志本在得恃有奧援大逞淫刑初任巡歷十場需索常例共有八百餘金過送者陳夢彬也指稱上京修轎令場官賠做費銀四十餘兩被害者吳洪等也假以清丁立總索取富竈劉棟銀二百兩安望其理賦均差藉以查丈鹽地科

派各場使用銀一百兩尚可謂除奸剔弊謀解餘鹽二次派得水脚已有六千兩矣而又每錠多添滴珠銀五錢以致各商恚怨而赴愬委解銀兩赴京科取長夫共銀一百餘矣而又每場加索贐禮銀十兩以致官竈負累而吞聲濫受詞訟全無忌憚已為不檢迎接家眷擅取長夫更屬妄為受場官王羸餽贈銀二百兩將竈戶曹從周夾打以致無罪而就死取淮儀二所折

禮銀八十兩累經紀徐仕等揭債真為無
故而誅求在任狼狽已甚去後物議滋弘
見任泰州分司判官劉懋和性即痴騷行
復聾瞶惟知濫取罔惜官常初時到任即
嫌衙宇不整每場派出銀四五十兩共計
銀四百餘兩盡入私囊總催楊輝李式之
箕歛可證承委解銀即多索火耗每錠扣
耗銀四錢五分總約銀數百餘兩盡為已
有客綱亢永阜等之受累可查斷理詞狀

宜秉公也乃得鄧詳銀三十兩枉江淮以
窩訪而縊死受商人劉佶銀五十兩將林
小山追債而幾亡同僚常為不平舉首奸
弊宜執法也乃得張國寧銀一百兩諱其
夾帶而反罪張來受王賓銀六十兩不究
姦情而寬屈吳氏奸宄因之得計巡督鹽
課受奸總繆紹夔等常例每場約得銀四
五十兩縱鹽斤之拖欠亦為免比管解餘
鹽索富安等十場長夫每場約得銀二十

餘兩雖官竈之議謗付之不聞差積阜張
華丁軫取布帛等物值價百兩弗償牙僧
蔣應龍之賠累可憫聽積書高隱岍等勒
錢糧羨耗共五百兩入已催頭何儲等之
負累奚堪場官屠思謨未有大過受總催
施澤等之百金而擅革其印信致令奸邪
肆惡犯吏夏文茂久禁追贓受鬻女為娼
之九十而方准其召保忍使骨肉生離惟
知取盡錙銖豈顧世有廉恥桑榆已逼谿

壑難填原任宿遷縣知縣今降調何東鳳
智能飾詐才足濟貪倚牆壁善為鋪張而
將無作有任吏胥甘同猫鼠而假公營私
民謠有磨業之稱物議有金山之號葬買
米銀二千兩加一扣除致苗廣等包賠蕩
產徵條鞭萬餘兩加二壓耗致侯天福等
負累吞聲蔡謙巨窩也得其賄賂而容縱不
究陳大邦平民也需索不遂而冤抑坐斬
晁應貴私通弟婦王可代送銀二百兩竟

爾從輕蔡肇淫毆使女蔡如斗替過銀七十兩輒為開豁朱沾賜歿死人命王柳溪過送七十金付之不理何錢神之有靈王相打死人命蔡如斗過送五十金置之不檢令冤冤之抱憤預散淺夫四百名故扣曠役工食以補庫則典史袁讓之揭豈屬無因賒客貨百餘兩公然不償則舖商周僑等之告實為有據鍾吾驛歲編應付銀二千六百亦可足用乃勒驛丞胡鯤不行

支給以致累債二百餘兩申訴無門挑小河口費銀二萬三千不為不多任義官桑重思等支銷咸稱冒破不下千金人言盈耳水面商稅每年不止數百作何支銷則葉汝璧之徵收可問京庫錢糧透支不止三千通無底簿則王知縣之追補可查在任巧為彌縫去後愈多敗露官箴已為大壞薄處委未盡辜以上三臣賊跡已彰官防大潰所當照貪例革職為民者也原任

泰州知州今聽調張驥年非壯強性極庸
愚敢於欺公而不欲忤吏書之意甘心虐
下而不肯失阜快之歡徵收鞭糧則憑猾
吏王應登等播弄撲置每遇催比但得常
例即為寬限以故事權旁落擅用里遞則
任談吏顧邦道等擅標紅票將家火并下
程等項盡取舖行以致怨聲滿道條鞭錢
糧本應投櫃乃改散各房經管任其侵營
但遇催督則押空批起解給散倉穀本為

小民乃濫付闔衙吏書任其轉賣一遇查
盤惟有展轉支吾聽猾吏姜尚賢之愚哄
將買到各驛領狀預標准領以庫貯二六
輕齎支放致羈起解誰謂無通同納賄之
情憑奸吏謝再茂之巧稟將莊頭史禮妄
作窩主扳向楠二十餘家湊銀餽送是以啓
無辜受害之誚書辦魏政侵欺胖襖已問
永成也乃捺案不行留為後堂書辦法紀
何在阜隸胡銘久戀衙門積年巨蠹也乃

信為心腹當堂交頭接耳體統奚存兵吏
洪聲遠與承發吏曹栒侵欺鹽場軍餉銀
二百餘兩已為同房首發遂將別項抵補
縱令鼯鼠公行馬戶顧士科串馬政吏王
三省橫索買馬大户得銀買放又行改報
多人以致槩州叢怨真如傀儡提戲鹽徒
王棟拒捕戳傷捕快託腹吏錢雲樓過送
銀八十兩反罪捕快非清軍廳之辨雪鹽
徒幾致漏網兇犯李德誣賴陳元人命被

腹阜胡銘指騙銀一百兩反坐陳元非與
化縣之覆檢苦主竟爾沉寃准理詞狀一
槩問罪如荀萬祿一家父子問七不應仍
又罰稻士民閼然聞報被論每事撻尋將
已報積穀贖銀數百兩盡行支取署官掩
口滿堂俱是知州百姓如在水火雖入已
之賊未甚狼狽而親民之職亦太昏庸雖
經改調未盡厥辜壽州知州舒琛貌已龍
鍾行同木偶當官耳目無聞臨事手足莫

措在閩不勝狼藉任壽益見鴟張上官公文每每束之高閣下民告狀人人被以淫刑郭應其等強盜窩主也既差快王世奎拏獲監禁可不謂為民除暴乎史玉環過送變產銀百兩而改招輕釋何乃禁暴而自為暴陳天曉等強賊大夥也始差快陸享等四散訪拏可不謂彌奸安民乎萬外卽替送原刼賊銀三百而不行緝捕真是戢奸而反為奸殺人自當抵罪乃張乾告

陳有谷張應成首劉應登始欲坐其抵償或入三百或賄百兩竟皆發落從輕聽訟自有定體乃葉雲山告黎舉徐尚賢訐貝學易俱先審得情或投銀一百或罰稻四百竟皆改招移罪指兵道行禮取戴斗山十一家黃金五十五兩而全不償價取客人王士臺襪褐二十四件而僅給一半道路之怨謗有因聽猾吏獻諛收羅忠等衆里甲條鞭三萬七千而加二火耗剋馬夫

邢桐等工食三百餘金而盡入私囊百姓之咨嗟不與正陽百姓激毆委官既不能鎮定矣又差腹快陳文挾鷓吳小塘等銀五六十兩吳九寶等証佐可查家人挖開宅牆通外既不善檢束矣反差快手何鑛拆毀隣州住房一二十家劉國佐等居民可審監犯金祝酒醉爭姦王氏將李有才毆死而復自縊宜據實申報也乃聽信奸吏楊啓華愚弄而朦朧了事最為罔上徇

私竊盜一十三名久為閭閻隱害幸已就擒宜正法懲罪也乃反將失主趙伯松問徒而諸賊盡釋真是殃民縱寇庫內失銀累及各役共賠強盜越監緝之數月方獲關防安在自買座馬扣除馬戶草料置辦修城剋取各行灰輒剝削可羞闔郡遭殃敢怨而不敢言凡事誅求知得而不知耻原任蕭縣知縣今聽調俞承宗質原臃腫性復乖張詞訟聽左右之撓置而濫用重刑

致有知縣老虎之稱收支任談房之重輕而括取羨餘遂有打羅吃麪之誚築義安壩買料任典史謝子立侵冒三百餘金幾致悞事散淺夫工食每年扣曠二百餘兩人有煩言徵收鞭銀二萬兩每兩多收耗銀四五分不等收頭任敬劉守金等其經手之人炭花石料銀一萬兩每百兩扣銀三兩工房書辦馬武其過送之役彭艾告張景龍姦情事聽門子柴應齊等稟囑將

原告重責四十人以為景龍送銀一百兩也楊應元等會銀蓋大王廟聽禮房吏楊官稟差皂隸何青拘拏重責四十一夾棍人以為垂涎會銀四百金也比限不論緩急動輒夾打里逋嗷嗷難堪問理不論重輕槩擬不應原被叟叟不服前論未盡調簡為輕原任泰興縣知縣今陞南京大理寺右評事陳繼疇才能飾過筆下灑灑可觀行實多舛去後紛紛有議閩中之貪肆

已多經今之轅軻不改威能制衆力足通
神結山人王穉登流連于詩酒之間聽其
囑託公事復假以修誌書科歛里遞士夫
而陳元教等三百兩戴江家二百兩瓜分
之議未必無因與狎客江新川放浪於形
骸之外任其出入衙門指以誣攀盜情勒
令無辜納賄而李九等二百七十兩過送
之說誠為有據監生楊琉占人田產密獻
銀數百兩反託為心腹惶恤衆目之賄賂

富民陳元慶田土構訟擅罰稻二百石即
折充私囊難免人言之嘖嘖徵收錢糧每
年四萬餘兩歲得羨餘數百櫃頭張士秀
封送可查起運漕糧每年三千餘石歲要
耗米二百詎吏方一元賣女可審倡首修
廣佛寺劉紹等募化銀三千兩遂有五百
假作小菜之投捧其蟬而過送者門子褚
良勝也訪知有于寡婦托其親營運銀四
百兩遂聽城兵趙五報讐之譖沒其銀而

杖斃者伊親殷賢也倭倣喧傳諭令縣
居民城上置辦燈籠旗桿復申院道動諛
庫銀二百兩入已真來鼠竊之羞准受詞
狀不論事情輕重即問大小不應贖罪不
報循環每年計銀數百兩入已實有攫金
之醜溺愛褚門子潜通關節以納賄家資
驟富于一時寵信楊監生妄生禍福以興
謠唾罵同出于一口民怨滋深行已多放
以上四臣物議已騰官守有玷所當照不

謹例開住者也盱眙縣知縣盧邦俊精力
衰耗性質疎庸初任即散帖同鄉匠藝致
有滿城知縣之謠臨民即任用左右積奸
宜有沐猴而冠之誚土豪許珠將工人嚴
銀毆打而死宜執法抵償矣托書辦陸芹
等代送百金反將屍兄問徒豈念人命至
重鄉民秋童被署戶朱禮馬跌而亡說從
重檢究矣得腹吏王濟民過送五十止罰
稻穀備賑咸稱錢神有靈本縣三十六集

舊有各行乃每年令其換帖一次每帖折
稻銀四錢而鎮集之誅求無筭縣三十
七里派定糧長乃每里索硃銀一两四叔
又取見面一两鄉村之受害無窮訪知鄉
民陳嘉之僕妻縊死方被收監而尋即釋
放實緣五十金之暗投假點農民李邦賢
等之輪管義倉惡其悞卯而科折稻銀共
有六十兩之交納因夫馬之困苦而加添
額編六百所以恤郵人也乃盡扣私囊而

分文不行給贖故斬一元之條陳可據見
公館之頽壞派里甲出銀二百已為擾小
民也乃盡徵入已而仍拘官匠修理故朱
一松之告訴有因倉穀出陳易新原為救
濟貧民乃四叔得賄十兩而盡放衙役馬
戶殊失加惠之心地產稅契粘尾原係請
府印贖乃一年私稅七百而徑自印給縣
尾安供軍國之用催徵錢糧十日拆封一
次每百兩先除火耗銀十兩而後兌正數

收頭葉永辛受累不勝差馬百匹每年印
驗一番每一匹先要惜馬銀一两而方准
印烙馬戶吳大德含苦無告縣官出入無
常市民偶悞門燈即各罰磚瓦出票嚴追
折銀九十兩可謂無故而騷擾承舍供應
有定徐日昇因悞飯食畏刑自縊便將董
周痛責勒鬻女銀四十兩祇見逞虐以需
求一籌莫展百事俱弛巢縣知縣王以霖
賦才綿薄臨政徬徨聽奸吏朱繼堯撲置

以槩縣民壯一百三十名每名扣工食銀
一两輒賞牌票勾攝閭閻之騷擾不堪用
積書尹國言科索將走遞長夫一百二十
名每名扣工食一倍不惜疲于奔命郵驛
之艱苦更甚每年支放鎮高二驛工食草
料共馬四十餘匹每匹扣剋二兩仍點富
民唐伯河等之幫貼怨聲載道每年徵收
條鞭四差應行投櫃計銀一萬餘兩每兩
索耗一錢責令收頭梁守禮等之包賠謗

言盈耳經紀張合告鹽商朱務本之漏稅
應將私鹽入官乃科罰五十餘金置之不
問腹皂李應相即其收送之人豪惡周枝
打趙天裕之既死即應登場檢驗乃納賄
五十餘兩竟得從輕積阜丁枝等皆其過
付之輩票取紬段紗綾百十餘疋每價一
兩止給與五六錢舖戶方大忠等不勝賠
累每年經紀換帖三百餘名假考滿公用
共科罰米價三百餘兩各行袁世魁等苦

被誅求稅使之委官率皆市井之白丁而
公堂交拜盛席相邀卒致各惡之驕恣誰
之過與縣官之舉動實係一邑之觀瞻而
結歡無藉吉服相迎卒致小民之激怒亦
可醜也歷任三年例應給由因其委靡不
振故待大計議處以上二臣應照不及例
重加降調者也寶應縣知縣宋浚心類忌
機事多留滯文移往來昧焉不知總吏書
之是憑民情利弊冥然罔覺真父母之惡

在每遇過客閉門而不內管支之乾沒自是良多例當應付失悞而不顧迎送之禮節豈宜盡廢尖疲衝劇之區即手口拮据猶恐叢脞而生奸乃高致銜孟竟日不出無惑乎庶務廢閣而莫理紛拏雜沓之官即加意防閑尚虞關節易通乃怠荒成性衙宇不封一任其僮僕出入而無忌夫頭侵冒綱銀累民拽木不能究詰亦已玩矣及告府批州而復為面護何其姑息以容

奸南河分司經臨原有統屬呈送程儀已屬諛矣乃卑開磁卮而實皆銀器宜其當面以叱却雖民俗相安行已無甚大謬而性質踈略衝地似非所宜此一臣者應當照不及例量調簡僻以全器使者也伏乞勅下吏部會同都察院覆加查覈如果臣言不謬分別議處庶吏治知有懲創於

重典不無小補矣緣係糾劾不職有司官員以備考察事理未敢擅便為此具本專差承

差蔡宗齋捧謹題請

旨

萬曆二十八年十一月十六日具題奉

聖旨該部院知道

府佐給由疏

題為遵例保留給由府佐官員事先據直隸
鳳陽府申准本府通判楊維清牒稱見年
三十六歲雲南前衛籍四川安岳縣人由
舉人萬曆十一年閏二月二十九日除授
湖廣長沙府湘陰縣儒學教諭本年四月
二十四日到任十七年三月十七日陞辰
州府沅州黔陽縣知縣本年六月十八日
到任十九年十二月初十日丁母憂服闋

赴部二十三年二月二十六日復除鄖陽府竹山縣知縣本年四月二十九日到任本年九月二十二日調繁鄖縣知縣本月二十七日到任二十五年八月內陞授今職本年十二月初十日到任扣至二十八年十一月初九日止連閏實歷俸三十六箇月三年任滿例應給由等因牒府申報到臣隨經批行潁州兵備道查勘去後今據署道事鳳陽府知府金時舒呈行據鳳

陽府呈查得通判楊維清三年任內並無不明經手錢糧亦無粘帶不了事件公私過名等項違礙情弊例應給由造冊赴部考覈但本官額管糧馬時值催贖之會且督府屬漕糧押運過淮委為重務實難離任合應照例保留等因到道看得通判楊維清三年任內委無違礙應准給由及查本官目今徧歷各屬州縣催督漕糧監兌押運過淮委為重大事務難以離任請乞

照例保留等因具呈前來據此卷查先准吏部咨為酌議考課之法以肅吏治事今後在外三六年考滿官員除方面府佐照舊赴京有事地方照舊保留聽撫按從公考覈賢否具

奏先令帶俸就彼復職管事牌冊差人齎繳其稱職經薦應得

誥勅命者照例

請給等因題奉

欽依移咨遵行在卷今據前因該臣會同巡按直隸監察御史吳崇禮考覈潯鳳陽府通判楊維清振拔有為彊明自任稱職第本官職司糧馬時值徧臨州縣催驗漕糧監兌竣日復押運船過淮過洪事屬委重既經該道查議前來相應保留伏乞

勅下吏部查議上

請照例行令楊維清免其赴部容令接俸管事造冊差人齎部考覈施行緣係遵例保留

給由府佐官員事理未敢擅便為此具本
專差承差蔡宗齋捧謹題請

旨

萬曆二十八年十二月初四日具題奉

聖旨吏部知道



